


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-54	Al-Qamar	55	3	Makkiyyah	Ke-37	7



Zaman Diturunkan

Surah al-Qamar adalah antara surah yang diturunkan di peringkat awal kehidupan Rasulullah s.a.w. di Mekah, ketika itu pun sudah ada tuduhan-tuduhan seperti tukang sihir kepada Rasulullah s.a.w. Peristiwa شق القمر (bulan terbelah) yang tersebut di ayat pertama surah ini diturunkan di Mina kepada Rasulullah s.a.w. Ia merupakan dalil kepada hampirnya berlaku kiamat setelah kedatangan Rasul terakhir membawa kitab suci terakhir, ia adalah satu surah yang diturunkan di zaman orang-orang Quraisy mula mendustakan Rasulullah s.a.w.

Perkaitan Surah Al-Qamar Dengan Surah Sebelum Dan Selepasnya

1. Di dalam Surah an-Najm sebelum ini, peristiwa kebinasaan kaum `Aad, kaum Tsamud, kaum Nuh dan المؤمنات (kaum Luth) telah disebutkan secara umum. Di dalam Surah al-Qamar ini pula peristiwa kebinasaan kaum-kaum itu akibat pendustaan mereka terhadap para nabi masing-masing dikemukakan secara lebih terperinci.
2. Di dalam Surah at-Thur tersebut al-Qur'an didustakan, ia dikatakan أَفْسَحْ هَذَا (Ayat: 15). Di dalam Surah al-Qamar ini juga disebutkan kata-kata orang Quraisy tentang al-Qur'an seperti yang tersebut di dalam Surah at-Thur, kata mereka سَحَرٌ مُّسْتَمَرٌّ (Ayat: 2).

Ayat Tarji'

Di dalam surah ini terdapat 2 ayat yang diulangi beberapa kali, ia dipanggil ayat tarji'.

1. Peristiwa-peristiwa kebinasaan bangsa-bangsa yang lalu yang cukup untuk dijadikan i'tibar itu disebutkan oleh al-Qur'an sebagai peringatan dan nasihat dan ia dipermudahkan untuk mendapat pengajaran dan i'tibar. (Ayat: 17, 22, 32 dan 40).

وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ مُّذَكِّرٍ ﴿٤٠﴾

40. Dan demi sesungguhnya! Kami telah mudahkan Al-Quran untuk peringatan dan pengajaran, maka adakah sesiapa yang mahu mengambil peringatan dan pelajaran (daripadanya)?

2. Setelah mengemukakan peristiwa yang benar-benar telah berlaku dalam sejarah, manusia ditanya فَكَيْفَ (Ayat: 16, 18, 21 dan 30).

فَكَيْفَ كَانَ عَذَابِي وَنُذْرِي ﴿٣٠﴾

Bermaksud: Maka perhatikanlah, bagaimana buruknya azabKu dan kesan amaran-amaranKu!

Beberapa Kata Kunci Dan Tema Utama Surah

1. Surah ini mengemukakan kisah benar 5 kaum yang telah mendustakan ajaran yang dibawa oleh rasul masing-masing. تكذيب bererti mendustakan, mendustakan rasul Allah adalah dengan mengatakan kamu

bukan rasul Allah, mendustakan al-Qur'an adalah dengan mengatakan ini bukan kitab Allah, mendustakan akhirat pula adalah dengan mengatakan ia sama sekali tidak akan berlaku. Perkataan تكذيب dan pecahan-pecahannya beberapa kali digunakan di dalam surah ini (Ayat: 3, 9, 18, 23, 33 dan 42).

2. Di dalam surah ini, مُكَذِّبِينَ (orang-orang yang mendustakan) disebut sebagai مُجْرِمِينَ (orang-orang yang durjana dan bersalah serta berdosa) (Ayat: 47). مُصَدِّقِينَ iaitu orang-orang yang membenarkan pula disebutkan sebagai مُتَّقِينَ (Ayat: 54). Muttaqin ialah orang-orang yang membenarkan seruan para rasul, mengelak diri daripada dosa-dosa dan berhati-hati dalam menjalani kehidupan. Surah ini membandingkan watak dua golongan tersebut.

3. Kaum Nuh telah ditenggelamkan dengan air dalam jumlah tertentu yang dikehendaki Allah (Ayat: 12).

وَفَجَّرْنَا الْأَرْضَ عُيُونًا فَالْتَقَى الْمَاءُ عَلَى أَمْرٍ قَدْ فُتِّرَ ۝١٢

12. Dan Kami jadikan bumi memancarkan mata air-mata air (di sana sini), lalu bertemulah air (langit dan bumi) itu untuk (melakukan) satu perkara yang telah ditetapkan.

4. Satu hakikat sains telah disebutkan di dalam surah ini iaitu Allah menjadikan setiap benda dengan kadar dan ukuran yang tertentu, setiap unsur yang terdapat di dalam setiap benda sama ada ia bahan organik atau bukan organik masing-masing daripadanya berada dalam kadar, jumlah, ukuran dan timbangan yang tertentu. Setiap satu daripadanya mempunyai skop dan limit tertentu. (Ayat: 49).

إِنَّا كُلَّ شَيْءٍ خَلَقْنَاهُ بِقَدَرٍ ۝٤٩

49. Sesungguhnya Kami menciptakan segala sesuatu menurut ukuran (tertentu).

5. Orang-orang kafir Quraisy diberi ancaman bahawa mereka tidaklah lebih baik daripada orang-orang kafir dari kalangan bangsa-bangsa dan umat-umat terdahulu (Ayat: 43).

أَكْفَارُكُمْ خَيْرٌ مِنْ أُولَئِكَ ۝٤٣

6. Di dalam surah ini sudah terdapat ramalan tentang kekalahan dan kegagalan pihak orang-orang kafir meskipun bilangan mereka ramai. Orang-orang Islam ditenangkan dengan ramalan yang menyebutkan tentang kekalahan pakatan orang-orang kafir (Ayat: 45).

سَيُهْزَمُ الْجَمْعُ وَيُوَلُّونَ الدُّبُرَ ۝٤٥

7. Hari kiamat.

Terbelahnya bulan adalah salah satu dalil kehampiran kiamat (Ayat: 1). Setelah datang kitab suci terakhir dan rasul terakhir, hari kiamat boleh berlaku bila-bila masa. Kepada مُكَذِّبِينَ, hari kiamat adalah hari yang paling teruk dan paling pahit kepada mereka (Ayat: 46).

8. Perkataan نُذِرْ telah digunakan sebanyak 7 kali di dalam surah ini (Ayat: 5, 23, 33, 36, 37, 39 dan 41).